

Академик Асқар Алтынбекұлы Құлыбаев – 80 жаста

Елімізге үлес қосқан үлкен тұлға

Жаздың күн сәулесі жарқыраған шілде айында, айнала көкке боялып, табиғат жемістерін берген кезде, жыл сайын Қазақстанның партия, мемлекет және саяси қайраткері Асқар Алтынбекұлы Құлыбаевтың туған күні аталып өтіледі. Үстіміздегі жылдың ерекшелігі – біз Асқар Алтынбекұлының 80 жылдық мерейтойын атағалы отырмыз. Асқар Алтынбекұлы барша Қазақ жерін алтын бесігіне балап, осы кезге шейін еңбектен қол үзбей келе жатқан жан. Тәуелсіздік жылдары еліміз тарихи тұрғыдан қысқа мерзім ішінде көптеген табыстарға қол жеткізгені белгілі. Осы әрбір жеткен жетістіктің артында жан аямай қызмет еткен азаматтардың еңбегін байқауға болады.

Асқар Алтынбекұлы – Қазақстанның тәуелсіздігін нығайтып, ел үшін тынымсыз еңбек жасаған ерен азаматтардың бірі. Ол шебер ұйымдастырушы, көрнекті ғалым ретінде еліміздің құрылыс саласының дамуына өлшеусіз үлес қосқан санаулы азаматтардың бірі. Осы еңбектері үшін мемлекеттік орден және медальдармен марапатталды. Асқар Алтынбекұлы туралы тарихи деректер де, әдебиеттер де жеткілікті. Біз ұлы тұлғаның жеке адами қасиеттеріне ерекше тоқталғымыз келеді.

Асқар Алтынбекұлы – өндірістік және қоғамдық қызметті көлемді ғылыми жұмыстармен шебер ұштастыра білетін азамат. Депутат ретінде өз ісіне жауапты әрі ұқалты ол айналасындағыларға қашанда қамқорлық танытып, қолынан келгенінше көмек қолын созды. Үнемі адамдықтың үлгісін

көрсетіп, халық қалаулысы мәртебесін көтерген аптал азамат.

Туған жерін, туып-өскен бөлін сүймейтін адам болмайды. Асқар Алтынбекұлы – көпті көрген көнекөз кісі ғой, әдебінен жаңылмайды, көп көсемсіп сөйлей бергенді де ұнатпайды. Бірақ туған ел, өскен жер туралы пайымы ерекше. Әсіресе, оның туған жер, ата-жұртқа деген перзенттік құрметі шексіз екенін байқайсыз. Бұл сезім оның бүкіл саналы ғұмырының алтын қазығы іспетті. Қария көңілдің дария шалқар сезімі шексіз.

Табиғаты сұлу, ауасы жұпар, шөбі құнарлы өңір көне Алматының кескін-келбетіне сай оның адамдарының да жүзі шуақты, дені қуатты. Бұл – табиғи заңдылық қой. Өзі де ширақ, пысық жан. Асылы, ата-бабаларымыздың қанына сіңген осындай жақсы қасиеттерінің жұрнағын жоғалтып алмауға үлесін қосып келеді.

Ол – өнегелі өмірі, өрелі ісімен, азаматтық-адамгершілік болмысымен ерекше көзге түсетін мемлекетшіл тұлғалардың бірі.

Адам жаны бейне ашылмаған арал тәрізді. Ол аралда тынысты ашатын жұпар ауасын жұтып, кемпіркосақтай құбылған жасыл әлемде алшаң басағын, адам мен табиғаттың етене, орайласа өмір сүруі осындай-ақ болар деп ойлайсыз!

Жақсы адам елдің басшы серкесіндей,

Жұғымды болар елге еркесіндей.

Жақсының жүзі жылы, сөзі майда,

Халқының қалын жүнді көрпесіндей, – деп Сүйінбай ақын жырлағандай, жеке басы-



ның асыл да айнымас адамгершілік қасиеттерімен жан-жағына сәуле шашып, жылылық ұялатып тұратын ақ жүректі, нар тұлғалы асыл азаматтың асқар асулары мен жеткен биіктері жайлы қанша айтсан да таусылмайды.

«Тура биде туған жоқ, туғанды биде иман жоқ» дейтін ұлы қағида қазығына сөзі мен ісін байлап өскен Асқар Алтынбекұлы қайда жүрсе де, қандай қызметтің тұтқасын ұстаса да ойын тура айтар мінезі мен табандылығы, еліміздің халық шаруашылығының жай-жапсарын мықты білетін кәсіби қабілет-қарымының кеңдігі мен тереңдігі әрқашан байқалып тұрады. Қай қызметті атқарса

да ол адалдығымен әрі кәсіби шеберлігімен дараланады.

Осылайша туып-өскен жеріне, қадірін ұққан еліне азал қызмет қылуың үлгісін тавытуда. Елі үшін аянбай тер төгіп, абыройлы азамат, ел ағасы атанды. Қашанда, қай лауазымның тізгінін ұстаса да биязы мінезінен ауытқымай, білсем, билген үстіне біле түссем деген ұсынақты ұстанымынан танбады. Ең бастысы көзрек көзі ашық, һәм көргені мен түйгені көп мол қазыналы, зерек те зерделі жан шын мәнінде аға ұрпақтың атына заты сай лайықты өкілі ретінде танытып отыр.

Қазақ-Америка
Университетінің ұжымы